

“MEA NA ROTO IA I TE HURU MAAMAARAA O TE AORAA TO TE ATUA FAAOTIRAA E FAAORA I TE FEIA FAAROO.”

E faaitoitoraa teie tei orahia atu i roto i te Pāroita no Haapiti i te pureraa Pae no Māti 1994

15.000

Tele te tahi iriti- raa no te talōraa pīpīria ra I. Tor. 1,18-25 :

18 Te parau no te tatauro, e parau maamaa ia no te fēia e pohe atu ra, ārea rā no tātou te fēia e faaorahia nei, e pūai ia te reira no te Atua. 19 Inaha ua pāpāhia hoi e : E faaōre au i te paari o te fēia parau paari, e ore hoi au e tāua i te fte o te fēia tūite. 20 Tei hea te taata parau paari ? Tei hea te pāpāparau o te Ture ? Tei hea te taata-feruri o teie tau ? Eere ānei e ua haamaamaahia e te Atua te paari o te ao nei? 21 Inaha, e no te ōreraa to te ao i fārii i te paari o te Atua nā roto i te paari o te Atua, e mea nā roto ia i te huru maamaaraa o te aōraa to te Atua faaotiraa e faaora i te feiā faaroo. 22 Te ani nei hoi te mau Atiuta i te mau tāpā, e te tāua nei hoi te mau Herēni i te paari; 23 Mātou nei ra, te faatupu nei mātou i te parau o te Metia i faatataurohia, e turoriraa hoi no te mau Atiuta, e e maamaaraa hoi no te mau Etene. 24 No te fēia rā tei pīhīa, mai te mau Atiuta e te mau Herēni atoa hoi, o te Metia ia o ia, oia hoi te pūai o te Atua, e te paari o te Atua. 25 Inaha, e paari rahi hoi to te mea maamaa o te Atua i to te taata nei paari, e e pūai rahi hoi to te paruparu o te Atua i to te taata nei pūai.

OMUARAA

“No te ōreraa to te ao i fārii i te paari o te Atua nā roto i te paari o te Atua, e mea nā roto ia i te huru maamaaraa o te aōraa to te Atua faaotiraa e faaora i te feiā faaroo.”

To te Pāroita e hope roa, mai te mau metua e aupuru tāmau nei ia ōe i roto i te Faaroo, te mau mero etārētia atoa, te fetii tamarii, te feiā āpi, tei roohia i te rubiruhīraa o te tino, te hui mana o te ōire nei, te mau ōrometua haapii a te hau, tei māreihia e te mau āti rau, te mau taote, te mau tuati-mai, te mau rātere, e tae noa atu i to te fenua Aimeho e hope roa, fārii manihini mai i te tāpā no te aroha o te Atua. Hoa here mā, e mahana parau rahi teie no tātou, oia hoi no tātou to te Hui Faaroo Porotetani nei, inaha teie te taiō manaha tei tāpāhia mai e te tau ei haamanaōraa i te taeraa mai te Evaneria io tātou nei; ei haamanaōraa i te mau ōhipa faatupuraa Parau Evaneria tei orahia na e te mau Mitonare Peretāne e tae noa atu i te tahi mau taeā e mau tuahine no tātou.

E no teie ōroā haamanaōraa, i te mea e ua na-roa-hia teie parau i roto i te mau tāpura ōroā a te Etārētia nei, ua māti-hia mai te tahi mea āpāpa iti parau no roto mai i te Epitote tei faataehia atu e Pauro i to te āmū-tahi-raa faaroo e ora nei i Torinetia. E mai te mea ra, te rave atoa nei o Pauro i te tahi

haamanaōraa rahi i mua i te aro no teie mau taeā e mau tuahine Torinetia.

E no reira, e hiō mai ia tātou, e no te feiā hoi tei hiō aē na, e hiō faahou mai ia tātou i te mau parau e araraa nei nā roto i te mau faairavaravaraa a teie Epitote tei puta roa i roto i te Pipiria, eiaha ia au i te mau manaō e te mau ōpuaraa a te taata nei, tei puta roa rā i roto i te Pipiria ia au i te Atua ta na i hehehu na i te hui faaroo no mua na, ta na hoi e hehehu nei ia tātou i teie mahana, e ta na e hehehu ā i te mau uihou (te mau ui āpi) e tiā mai.

I. Te Metia i faatataurohia, te niu ia o te Faaroo Teretētāno

E nau matahiti rii noa i muri aē i to na tere faatupuraa Parau Evaneria i rotopū i to Torinetia mā, ua anihia o Pauro e tauturu i te tātiraa i te tahi mau fifi, mau peāpeā e mau faahuehueraa e haamata nei i te hoi i roto i teie Etārētia no Torinetia. E nau matahiti rii noa, inaha aita ā hoi teie Etārētia i ui-roa-hia atu ra, aita ā hoi i tehu-roa-hia atu ra i roto i te Faaroo o te Metia - i parau ai o Pauro ia rātou : “ua faatupu hoi au ia ōtoui i te ō, aore rā i te māa etāeta, aore hoi i tiā ia ōtoui i teie nei” (I. Tor. 3,2) - e nau matahiti rii noa i muri aē i te mau Pororaa Evaneria a Pauro, e te tipee faahou nei teie Etārētia i te mau peū e rave rahi no roto mai i te ao e āua-hasti nei ia na.

1.1. Ia au i teie Epitote, mai te mea ra e ua naeā-roa-hia i to Torinetia mā te tahi huru teōteō fāito ōre, inaha :

- Te tiāturi nei rātou e, e ua noa ia rātou te tiāmāraa no te faatupu i te mau hīnaaro atoa o te āu, e te mau hīnaa atoa o te tino (I. Tor. 6,12; 10,23) :

- Te tiāturi atoa nei hoi rātou i te paari no roto mai i te mau haapiiā e horoahia nei e te mau “philosophe” Herēni no te tuatāpapa i te parau no teie Atua e fāihia nei, e faaitēhia nei e Pauro ;

- Te tiāturi atoa nei hoi rātou, mai te mau Atiuta tumu, e mea nā roto i te mau tāpā i anihia atu i te Atua, e o ta te Atua hoi e horoā mai ei pāhōnora, to rātou faaroo e ūana roa ai ;

- Te tiāturi atoa nei hoi rātou, e mea nā roto i te paari, te nehenehe e te au hoi o te mau aōraa, te mau faaitoitoraa a te mau ōrometua, te mau tiātono e te mau poro ēvaneria, e āmū ai te poro a te Atua (a hiō atu i te parau no Aporo e o Petero : I. Tor. 1,12; 3,4-11).

1.2. I mua i teie mau tiāturiāraa rau, te haamanaō faahou nei o Pauro i teie tahi ōhipa tei

tupu na, oia hoi te ōhipa tei riro mai ei matamehai, ei ōmuaraa, ei tenete no te Faaroo Teretētāno : i niā i te rāu-tārava, ua pohe roa te Atua.

Eita te mau Atiuta tumu e au haere noa i teie huru parau, no te mea no rātou, eita te Atua e pohe i te mea e, e Atua teie Atua. No rātou, i niā i te Rāu-tārava, aita to rātou Atua, ia au i to rātou tiāturiāra, i pohe ; te tahi noa rā taata faahuehue tei mate i reira, oia hoi te tahi noa taata faahua atu tei hina, o ia i haere mai e faaburu ē i te mau faanahora no te haapaōraa Atiuta.

Eita atoa hoi te mau Herēni e rata haere noa i teie huru haapiiāra, no te mea ua here-roa-hia e ua tāāmū-roa-hia e rātou to rātou mau āere atua mā te pūioi maitai hoi i roto i te mau tāpā. Oia hoi, na te tāpā e hehehu mai i teie mau nuu atua e haamorihia nei e rātou. No rātou, i niā i te Rāu-tārava, eere te Atua tei pohe, te tahi noa rā taata “philosophe”, tei hina mai te mau “philosophe” atoa e mate nei.

1.3. I mua i teie mau hāhīraa rau o te Torinetia mā, te haamanaō nei o Pauro i te tahi ōhipa āpi tei fāriihia e te Atua, oia hoi : Nā roto i te pohe o te Metia ra ia letu no Nataraa, ua fārii te Atua e tiāhapa, eiaha i roto i te mau tāpā ia au i tei orahia mai e Itēraa, eiaha atoa hoi roto i te mau tāpā ia au i tei tāmoemoe-noa-hia na e te mau Herēni, ua fārii rā te Atua e tiāhapa i roto i te PARAU, oia hoi i roto i ta na Parau Evaneria, ta na Metia i te mau vāhi atoa e āmū ai too piti e too turu mā to na iōa (Mat. 18,20).

No reira, na Pauro e, eiaha ia moehia ia teie fāriiāra hāhā a te Atua i niā i te Rāu-tārava, ia haamanaō vaiāmāu-noa-hia rā te reira e tae noa atu ai i te taima a riro roa mai ai te Metia, eiaha i te tahi parau haapiiāra tāpāti noa, parau haapiiāra ui āpi noa, parau haapiiāra tiātono noa, e aore ra te tahi parau haapiiāra ōrometua noa, te hoē rā Parau Ora no ōe, e a noho atu ai ōe i roto i te tiāturiāra e fārerei faahou ōe ia nā i roto i ta na Parau.

II. Te Metia, o ia anaē te faaoraraa a te Atua

No te mau fifi e orahia nei e to Torinetia mā, te haamanaō nei ia o Pauro, e eita e noa i te taata ia tānao, ia māre e ia fatu i te Atua o te Metia mā te faaōhipa i te mau aniraa tāpā, e aore ra mā te hehehu i te mau tāpā : eita e noa i te taata ia rāmā i te Atua o te Metia nā roto i te paariāra o te mau parau paari a to te ao nei, inaha :

“No te ōreraa to te ao i fārii i te paari o te Atua nā roto i te paari o te Atua, e mea nā roto ia i te huru maamaaraa o te

aōraa to te Atua faaotiraa e faaora i te feiā faaroo.”

2.1. Ua fātata roa tātou i te pitiraa o te tenetere no te taeraa mai te mau Mitonare Peretāne io tātou nei, e mai te mea ra, ia au i te tahi mau aratairaa parauatua (“théologie”) e uevehia nei i teie mahana, aita atoa tātou i ātea roa i te mau peū i orahia e to Torinetia mā, inaha e pere tāpā ta vētahi, e pere tāpā ta vētai tahi, e pere parau paari hoi ta vērā mā.

Te pata tāpā nei tātou, te pata tāpā nei e te pata parau paari nei tātou, i te mea e, e ōāōraa, e e teōteōraa hoi nā tātou i te haamanaō atoa i te tohu a te tabua ra o Vaitā. I roto i te rauraa, e toru nā huru haamanaōraa i teie tohu, e ite-maitai-hia nei i teie mahana.

A tahi, te haamanaōraa e itehia nei i roto i te mau pāroita : i ō nei, te vai nei te tahi mau ōmēmēraa manaō, e a tira noa atu rā, te fā e tiāuhia nei, te haamanaōraa ia e, e mea taitāhā mai te Evaneria e vētahi ē, oia hoi na te papaā i ōmū mai te parau no te Atua o te Metia, i te ai tātou e i tiāturi ai tātou ia na ei Atua, ei Fatu e ei Faaroa hoē roa no tātou. Te tupu nei taua huru haamanaōraa ra i te pae no Māti, e te tupu atoa nei i te mau taima no te pureraa, ārueraa, hīmēneraa, taiōraa pipiria, aōraa ēvaneria, haapiiāra ; te araraa atoa nei i te mau hora paraparuraa, āparuraa, tāupaparuraa, tuarōiraa ; te matatara atoa nei i te mau tau ōroā, ōāōa, reārea, heva, ōto, fānaura, paariraa, poheraa ; e te hīroāroā atoa nei i te mau ānotau no terā ui e terā ui. Te vai nei ihoā te haamanaōraa, e rahi aē ia to tātou parau i to te Fatu, e te vai nei hoi te haamanaōraa, e iti aē ia to tātou pehe ia to na.

A piti, te haamanaōraa e ravehia nei e te mau puta tei pāpāhia e te mau Mitonare mai ia ORSMOND mā : i reira ra, tei te feiā itoito ia i te haerera e taiō, e te tuatāpapa i te reira mau parau. E te porol nei tātou ia rātou ia itoito maitai i terā tuhaa faufaa roa, no te mea eita teie ōhipa e maraa i te mau huru taata atoa.

A toru, te haamanaōraa e ōteō atoa mai nei i teie mahana, oia hoi te tāvirī-raa-hia ia te tohu a Vaitā, e to na faarōraa-hia ei rāmāraa i te taata ia haapae i te Atua o te Metia, e no te haamori i te atua ra ia Taaroa, e aore ra ia Te Tumu Nui (Taaroa e Te Tumu Nui, o taua atua nei ā, te piiraa noa tei tau), e aore ra no te haamori i te reo, te iho, te hīroā, te peū, te taata, te nātura, e te vai noa atu ra. Eita e ōre ia tātou ia faaōre i teie huru haamanaōraa, no te mea, mai ta to Torinetia mā e faahiroā mai nei, e mau peū tumu ihoā te reira na te taata, Atiuta noa atu ā o ia i to na ātiutaraa, Herēni noa atu ā o ia i to na herēnīraa, Papaā noa atu ā o ia i to papaāraa, Māōhi noa

atu ā o ia i to na tāhīraa, to na moorearaa, e to na vai-noa-atu- raa. Te vāhi rā e pāpū maitai nei, aita te feiā nei e rave ra i teie huru haamanaōraa no te Faaroo Teretētāno, no te haamau rā i te hoē Haapaōraa Māōhi āpi tei niuhia i niā i te atua ra ia Taaroa, e o te ōhipa ia e itehia atu ra i roto i te mau aratairaa a te Rauti Nui no te Tōmite Rautiraa Pipiria a te Etārētia.

2.2. I mua i nā haamanaōraa e toru, te amo nei te mau pāroita atoa i te vāhi e maraa ra ia rātou ; te haa nei te feiā tuatāpapa ia au i to rātou ite ; e te haamoē nei te mau arioi i te Metia. Eiaha rā tātou ia topa i roto i te māre, i roto i te ōpīrīpiriraa i te Evaneria, mā te manaō hape e, e tei ia tātou anaē te parau no te pororaa ēvaneria, no te aōraa ēvaneria, e aore ra tei ia tātou anaē te Parau a te Atua, e o ta Pauro ia e haamanaō nei i to Torinetia mā, oia hoi e mea nā roto i te maamaaraa a te aōraa ēvaneria, te Atua e faaora ai i te feiā faaroo.

Ia iritihia mai teie parau a Pauro ei parau Tahiti, e aore ra ei parau Moorea, teie ia to na tatararaa : i roto i nā huru haamanaōraa e toru tei hiōhia mai e tātou, aita ta te Atua e mātiāraa i te huru haamanaōraa e ravehia nei e te taata, oia hoi e tiā roa i te Atua, nā roto i ta terā e terā haamanaōraa, e aore ra hunaraa, ia parau roa mai ia ōe i te reira vāhi e i te reira taima, e o te reira te Evaneria no ōe, o te reira te Parau a te Atua ia ōe.

Te Parau a te Atua, o te Parau ia ta te Atua e parau roa mai ia ōe i te reira vāhi e i te reira taima, nā roto ānei i te taiōraa i te Pipiria, te faarōraa i te mau aōraa ēvaneria, te mau āparuraa mā te faahiti i te parau no te Fatu, te mau hīmēneraa, e nā roto atoa i te pātoiraa ia na (mea nā reira hoi to Pauro fārerei-roa-raa i te Atua o te Metia). No reira, ia au i te tahi mau peū iti e mata nei i te aa i roto ia tātou, te pūai nei tātou, e mea itoito roa hoi, te pūai nei tātou i te ōhipa rauti i te Parau a te Atua. E parau rii hoāta te reira, no te mea eita te Parau a te Atua e rautihia : Te Parau a te Atua, na na ia e parau roa mai ia ōe nā roto i te Metia, e tei roto i te paruparuraa o te parau o ia e faatupu ai i ta na parau no ōe, ei Parau Mau.

III Faaitoitoraa

Mea pāpū maitai te haamanaōraa a Pauro, aore e manaō uri i roto i ta na faaiterā : ua fārii te Atua o te Metia e faaora i te feiā faaroo nā roto i te huru maamaaraa o te mau faaiterā Evaneria. Te toe nei rā ia tātou i te haamanaō-faahou-raa i te huru fāriiāra e orahia nei, e oraorahia nei e tātou, eiaha i roto i terā manaō e, e mea fārii aē-vau i te Atua ia vētahi ē, e aore ra mea fārii aē o vērā i te Atua ia ō nei, i roto rā i te vai-

horaa i te Parau a te Atua ia tupu e ia hotu ruperupe maitai, mai ta te puta a Itāia e iravara-va mai nei :

“Oia atoa te parau no roto mai i to ō nei vaha ; e ōre ia e hoi faufaa ōre noa mai ia ō nei, e tupu rā tei ōpuhia e au ra, e noaa hoi te mea i fauehia atu e au ra.” (Itāia 55,11)

E aha rā hoi te parau e nā roto mai nei i te Atua ? To te Atua ia parauraa e piiraa i te taata hara ia riro mai ei taata parautia nā roto i te Metia e to na Vārua Moā ; to te Atua ia rahuraa ia ōe, te taata hara nei, ei taata āpi, ei taata te rahuhia e ta na Parau Evaneria, eiaha rā ei taata tei hāmanihia e te iho e te hīroā taata, eiaha atoa rā hoi ei taata tei hāmanihia e te mau tāpā e te mau paari o te taata, e aore ra i te heuri o te nātura e te mau atua tupuna.

Nā roto i te Metia e to na Vārua Moā, te pii nei te Atua ia ōe, mai ta na i pii na i ta na iho Tamaiti Fānuu Tahiti : “O tau Tamaiti here ōe”. E te hoīraa no teie parau ia na ra, o ta Pauro ia e haamanaō nei i roto i to Taratia e to Rōma mā, oia hoi te reo pāhōno o tei pīhīa e te Atua : “E Apa, e ta ō Metua” (Taratia 4,6 ; Rōma 8,15) ; e te vai atoa nei te taima e āmū ai te feiā atoa e fārii ra i teie haa a te Vārua Moā, oia hoi i roto i te mau pureraa a hoē ai te reo mā te parau e, ia au, i tei haapihia mai e te Fatu, “E to mātu Metua here i te ao ra, ia raa to ōe ra iōa...”

Te feiā e hoē nei i roto i teie reo ōmēre, o rātou ia ta Pauro e parau nei, “e faaora te Atua i te feiā faaroo”, inaha, e o te reira atoa te tahi haamanaōraa ia tātou i teie mahana, eita to te ao nei e rata haere noa i teie fāiraa e faaiterā faaroo o ta na e faariro nei ei parau maamaa. E tuhaa rā na tātou i te haamanaō vaiāmāuraa i to te ao atoa nei, e te tiai mai nei te Atua i ta na pāhōnora.

Ei pūōhuraa i teie mau faaitoitoraa iti, e mau pehepehe iti teie, e te tahi mau reo ā no Pauro,

A imi te imi a imi, ōi vai aē te ao,

Māimi te māimi a māimi, ōi vai aē ōe,

Pāimi te pāimi a pāimi, ōi vai aē te parau,

Rohirohi noa atu ra ōe i te mihiraa,

Haamanaō e, te imi mai ra te ōre e imihia nei, ia ōe.

Rom. 10,13 -15 : Te mau taata atoa e tiāoro i te iōa o te Fatu ra, e ora ia. Nā hea rā rātou e tiāoro atu ai ia na, mā te peū eita rātou e tiāturi ia na ? Nā hea hoi rātou e tiāturi atu ai ia na, mai te peū eita rātou e faaroo atu ia na ? Nā hea ra hoi rātou e faaroo atu ai ia na, mai te peū aore e taata no te faahiti i to na Parau ? E nā hea ra hoi i te faahiti i to na Parau, mai te peū aore e taata i tonohia ? Amene.